



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Abvndantia Virg. 19. Ianuarij.

urn:nbn:de:hbz:466:1-42032

supra quingentesimum. Puer genium suum defraudat, ut inopum dicit. Hinc Sacerdos, ex Sacerdote nobilis eremi cultor cœnobium exædit, & silvas facit habitari. In his feræ à lupis agitatæ asylon suum pandit, verissima aurei seculi ovis. Inde optimus orator oratione suâ suadet arbore ingenti, alio ut migrat, & perfuadet. Depopulantem potrò omnia flammâ uno Crucis signo exarmat: ægris sanitatem pristinam plurimis impertit. Sed non perinde avaro nescio cui facere medicinam placuit. Fuit hic oppidò dives, sed letho proximus rectè pauper sibi videbatur. Mittit itaque XL. aureos LAVNOMARO, sive ut DEVUM sibi per hunc propitium redderet, sive ut fortè sic mortem auro corrumperet. At verò LAVNOMARO ad severum in arâ examen singulos expendere, & unico duntaxat servato, alios omnes remittere, gravi additâ denuntiatione, quâ & expostulabat, quod furtum munus Deo obtruderet, & simul mortem indicebat. Et verò non huic tantum, sed universæ Galliæ vastitatem clademque vaticinatus est; ipse tamen ne hanc videret, morte oculos clausit. Ex Surio.

Homo, mitte & premitte thesaurum tuum in celos, ne celestè animam demergas in terram. Aurum de profundo terre; anima ab excelsis cali, melius proinde est; ad sedē suam deferri auri, quam in sepulchro auri anima demergatur. S. Pet. Chrys. ser. 22.

S. ABUNDANTIA VIRG. 19. Ianuarij.

Satis laudasse ABUNDANTIAM videri possem, si illud modò dicerem, & natam & mortuam laudatam ultrò ab ære campano fuisse. Adjiciam tamen alia pluscula. Cùm sacro fonte tingeretur, dicuntur

19.Ian. VITÆ SANCTORVM. 39
dicuntur lampades templi suâpte sponte accensæ,
& infanti lucem & urbî infantem gratulatæ esse;
ipsa ABUNDANTIA jam tunc in innocentis feminæ
patrocinium(adulterij rea agebatur) fuisse facun-
da. Iam octennem ferunt ab iconे pueruli LESV
MATRIS sinum insidentis pomum aureum , quod
manu fortè pictum gestabat , petuisse & adeò im-
petrasse; αγριδαπον deinde flores(ab hieme dona-
tas) eidem attulisse,& ut acciperet persuasissc. Sed
hucusque cælum cum puellâ lusit. quæ dicam se-
veriora sunt. Itaque memorant cum Majolo Ab-
bate matræque Ierosolymam ivisse , & cum cætera
Christi vestigia, tum illa porosissimum venerabun-
dam exosculatam fuisse, ubi ille pondere Crucis
fessus obviam MATREM habuit, heu! alteram tunc
oculis suis crucem. Hic lacrimis diffluere voluiss-
se ABUNDANTIAM; hic flagris ita in sese sœvissse,
ut sicut oculi in fontem, ita sanguis fusus in rivos
abire videretur. Abhinc Angelo duce in antrum
Onuphrij devenisse, illicque feminam viri vitam
vixisse. Ad extremum repartam à patre reductam-
que in patriam omnem, hoc mortuo , hereditatem
egenis cessisse ; mortuam deinde etiam ipsam pro-
funere ab Angelis laudatā cantu fuisse. Ex Ferrar.

Ad cælestia regna suspires, voluntatem Dei facias,
imiteris Angelos super terram, adversus tentationes
pro pietate configas; & si cælestis militia sacramen-
ta servaveris, non dubites te in castris triumphali-
bus Regis eterni victoriæ coronandum. S. Leo l. 2.
de Nat.Dom.

S. SEBASTIANVS MART. 20.Ianuarij.

Anno post CHRISTVM natum LXXXVI. supra
CC. Marcus & Marcellianus Christiani mili-
tes ad defctionem vehementer à parentibus soli-
citabantur.